

Broj: 01-02.4-5816-6/24-NV  
Datum: 26.8.2024.godine

Na osnovu člana 70. Zakona o javnim nabavkama (Službeni glasnik BiH broj 39/14, 59/22, 50/24) i Pravilnika o javnim nabavkama JP Ceste Federacije BiH d.o.o. Sarajevo (Ugovorni organ), Uprava donosi:

## ODLUKU

o dodijeli ugovora za nabavka radova: Izgradnja rasvjete na M17, Ortiješ u gradu Mostaru II faza, NEXEN d.o.o. Banja Luka

### I

Na osnovu odluke o pokretanju postupka javne nabavke predmetnih usluga proveden je otvoreni postupak, pokrenut obavještenjem o nabavci objavljenom na portalu E-nabavki dana 3.7.2024.godine. Izvršeno je otvaranje, analiza i ocjena ponude. Do utvrđenog roka za predmetnu nabavku primljene su 2 (dvije) ponude, i to:

1. NEXEN d.o.o. Banja Luka	167.199,72 KM bez PDV-a 195.623,67 KM sa PDV-om
2. ELTOM d.o.o. Mostar	166.482,53 KM bez PDV-a 194.790,41 KM sa PDV-om

Analizom primljene ponude Komisija je, u svom Izvještaju, br. 01-02.4-5816-5/24-NV od 21.8.2024. godine, konstatovala da ponuda ponuđača ELTOM d.o.o. Mostar nije prihvatljiva obzirom da ne ispunjava kvalifikacione uslove tražene tenderskom dokumentacijom – tačka 13.4. tehnička i profesionalna sposobnost, podtačka 13.4.1, stav b) kojom je traženo da ponuđač osigura Voditelja građenja, dipl.ing. el. sa položenim stručnim ispitom i učešćem u najmanje 2 (dva) projekta elektromonterskih radova u niskogradnji....'.

Kao dokaz ponuđač je dostavio popunjen CV (biografiju) za traženog inženjera (str. 28 ponude) sa podacima o ugovornim organima, periodu i opisima poslova iz kojih nije vidljivo i koji u ukupnom zbiru ne dokazuju/potvrđuju traženo učešće u najmanje 2 (dva) projekta elektromonterskih radova u niskogradnji....'.

Komisija je konstatovala da je ponuda drugog ponuđača kompletna, da zadovoljava tražene kriterije i da je u okviru budžeta. Izvršena je računska kontrola ponuđenih cijena i ustanovljeno je da nema računskih greški.

U skladu sa članom 4. stav 2. Pravilnika o uslovima i načinu korištenja e-aukcije, Komisija je konstatovala da se e-aukcija ne može zakazati, te je dala preporuku da se postupak okonča u skladu sa članom 69. Zakona o javnim nabavkama BiH.

U skladu sa navedenim Komisija je dala preporuku Upravi da se ugovor, za nabavku radova: Izgradnja rasvjete na M17, Ortiješ u gradu Mostaru II faza, dodjeli ponuđaču NEXEN d.o.o. Banja Luka.

Ponuđač NEXEN d.o.o. Banja Luka je dužan, u skladu sa zahtjevima iz Tenderske dokumentacije, dostaviti u zakonski određenom roku originale ili ovjerene kopije dokumenta iz člana 45. (stav 2). Ukoliko izabrani ponuđač ne dostavi traženu dokumentaciju u određenom roku, postupak će biti poništen u skladu sa članom 69. Zakona o javnim nabavkama. Cijeneći navedeno, Uprava donosi odluku kao u dispozitivu.

**II**

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

**Pravna pouka:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Ured za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.



Lujo Pravdić, direktor